



KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

16 MAC 2022 (RABU)



KEMENTERIAN PERDAGANGAN DALAM NEGERI
DAN HAL EHRAL PENGGUNA

KERATAN AKHBAR DAN MEDIA ONLINE (KPDNHEP)

16 MAC 2022 (RABU)

KPDNHEP cadang tetapkan dua harga minyak masak

KUALA LUMPUR - Kementerian Perdagangan Dalam Negeri dan Hal Ehwal Pengguna (KPDNHEP) sedang mencari alternatif termasuk penetapan dua harga bagi kegunaan minyak masak domestik dan eksport.

Menterinya, Datuk Seri Alexander Nanta Linggi berkata, langkah itu bertujuan memastikan agihan subsidi minyak masak sampai kepada golongan sasaran.

"Kita sedang berunding mencari alternatif kepada sistem sedia ada termasuk melihat kepada (penetapan) dua harga (untuk minyak masak). Kegunaan domestik satu harga dan kegunaan eksport mungkin ikut harga pasaran."

"Ini adalah cadangan kita menangani masalah terlalu banyak perbelanjaan untuk subsidi (minyak masak)," katanya ketika mengulung perbincangan usul Menjunjung Kasih Titah Diraja bagi Kementerian itu di Dewan Rakyat pada Selasa.

Beliau berkata demikian bagi menjawab celahan **Isnaraissah Munirah Majilis (Warisan-Kota Belud)** berhubung subsidi minyak masak.

Terdahulu, Nanta memaklumkan kerajaan telah menambah subsidi minyak



NANTA

masak sebanyak RM1.9 bilion kepada peruntukan sedia ada bagi memastikan tiada gangguan bekalan.

Beliau berkata, dalam masa sama, kajian berhubung mengoptimalkan subsidi di bawah KPDNHEP juga telah dijalankan bertujuan memastikan subsidi bawah kawal seliaan KPDNHEP sampai kepada golongan sasaran.

Berhubung pengenaan had pembelian minyak masak bersubsidi, jelasnya, ia dilaksanakan bagi memastikan pembelian minyak masak bersubsidi terkawal dan hanya golongan yang layak membeli bahan itu.

Menurutnya, sehingga 28 Februari, sebanyak 6,500 premis diperiksa, 25 kertas siasatan dibuka dan 20 syarikat telah diambil tindakan seperti menggantung kuota skim minyak masak dan digantung lesen urus niaga.

"KPDNHEP melalui Bahagian Penguat kuasa telah melaksanakan langkah-langkah seperti pemeriksaan premis, audit rantai pengedaran, risikan ke atas pengilang dan pemborong, menetapkan had pembelian sebanyak tiga paket serta kerjasama strategik dengan agensi penguat kuasa lain," katanya. - *Bernama*

Pantau harga barang sepanjang Ramadan

KPDNHEP Perak tingkat penguatkuasaan elak peniaga naikan harga

Oleh NORMAWATI ADNAN

IPOH

Kementerian Perdagangan Dalam Negeri dan Hal Ehwal Pengguna (KPDNHEP) Perak akan meningkatkan penguatkuasaan dan pemantauan harga barang sepanjang Ramadan.

Exco Perdagangan Dalam Negeri dan Hal Ehwal Pengguna, Integrasi Nasional dan Masyarakat Sivil Perak, Datuk Abdul Yunus Jamahri berkata, pemantauan menyeluruh akan dilakukan di lokasi-lokasi tumpuan ramai terutamanya bazar Ramadan yang dibenarkan beroperasi tahun ini.

Menurutnya, harga barang dan makanan perlu dikawal sebaiknya kerana dibimbangi akan memberi lebih tekanan kepada rakyat yang terkesan akibat pandemik Covid-19.

"Lebih 200 pegawai penguat kuasa dan pemantau harga akan digerakkan di seluruh negeri bagi tujuan pemantauan ini.

"Kita harap kenaikan itu tidak berlaku dan dalam hal ini semua pihak perlulah memainkan peranan sebaiknya.

"Dari aspek peniaga, kita nasihatkan agar mereka tidak mengambil kesempatan dalam suasana sekarang dengan menaikkan harga dan di pihak pengguna pula, kita



Abdul Yunus (tiga dari kanan) meninjau pelaksanaan Program Jualan Keluarga Malaysia yang bermula 15 hingga 20 Mac ini di Pasar raya Besar Mydin Meru Raya di Ipoh pada Selasa.

minta mereka sentiasa berwaspada dengan memastikan barang-barang dijual pada harga berpatutan," katanya kepada pemberita di sini pada Selasa.

Beliau berkata demikian selepas menyempurnakan Karnival Hari Pengguna Kebangsaan Negeri Perak di Pasar raya Besar Mydin Meru Raya yang turut dihadiri Pengarah KPDNHEP Perak, Saifullizan Kamarul Zaman.

Abdul Yunus berkata, setakat ini tiada aduan rasmi dilaporkan kepada KPDNHEP negeri berkaitan kenaikan harga barang dan makanan.

Ujar beliau, kebanyakan aduan terutamanya berkaitan harga barang dibuat pengguna melalui saluran dan platform media sosial.

"Jika tiada aduan rasmi, agak sukar

tindakan dan penguatkuasaan diambil, jadi kita minta orang ramai yang mempunyai maklumat berkaitan kenaikan harga barang untuk segera melaporkan kepada KPDNHEP," jelasnya.

Dalam perkembangan berkaitan, beliau berkata, sebanyak 226 aduan diterima KPDNHEP Perak bermula 1 Januari hingga 13 Mac lepas.

Katanya, aduan tertinggi direkodkan adalah berkaitan transaksi dalam talian iaitu sebanyak 82 kes diikuti 58 aduan berkaitan harga, perkhidmatan mengelirukan (33), barang kawalan (16) dan perkhidmatan bengkel kenderaan bermotor (11).

"Dalam tempoh sama, sebanyak 310 kes telah diambil tindakan mengikut akta-akta yang diperuntukkan di bawah KPDNHEP," katanya.



PERANG Rusia-Ukraine menyebabkan beberapa barangan komoditi asas menjadi mahal.

Konflik dorong tepung gandum naik harga

Kajang: Kenaikan harga barangan keperluan asas sudah berlaku sejak beberapa minggu lalu dipercayai akibat konflik Rusia-Ukraine kerana beberapa barangan komoditi asas diperoleh dari negara berkenaan.

Peniaga barangan runcit yang mahu dikenali sebagai Amir berkata, harga barangan seperti tepung gandum, makanan bertin dan mi segera antara yang naik sejak dua minggu lalu.

Menurutnya, kenaikan itu tidak dapat dielakkan berikutan golongan perlu menampung kos.

"Tepung gandum tidak bersubsidi naik RM1 untuk sekotak sejak dua minggu lalu menjadikan kos pem-

belian turut meningkat.

"Pemborong memaklumkan pengeluar menaikkan harga susulan pelbagai faktor menyebabkan kami juga terpaksa menaikkan sedikit harga," katanya.

Menurutnya, harga makanan ayam seperti jagung dan dedak juga meningkat kerana ia diimport dari luar negara.

Katanya, konflik yang berlaku di Ukraine juga dikatakan menjadi faktor kenaikan berkenaan sejak beberapa minggu lalu.

Bagi pemborong, Hafiz Musa, kenaikan harga ba-

rangan asas dianggarkan sekitar 10 peratus sejak beberapa minggu lalu.

Katanya, kenaikan sudah berlaku beberapa kali dalam tahun ini dan ia tidak dapat dielakkan ke-

"Pemborong memaklumkan pengeluar naikan harga susulan pelbagai faktor Amir"

rana dibeli pada harga tinggi daripada pengeluar.

"Barangan kering seperti bawang dan kentang juga ada berlaku kenaikan khususnya selepas Tahun Baru Cina," katanya.

Sementara itu, Pengarah Kementerian Perdagangan Dalam Negeri dan Hal Ehwal Pengguna (KPDNHEP) Se-

langor, Muhamad Zikril Azan Abdullah berkata, pihaknya sentiasa membuat pemantauan dan pemeriksaan harian bagi memastikan barangan dijual pada harga ditetapkan.

Katanya, jika peniaga di-kesan menjual barangan pada harga tidak munasabah, mereka akan diberi notis untuk mengemukakan bukti kenaikan kos yang berlaku.

"KPDNHEP Selangor sentiasa peka dengan kenaikan harga dan peniaga yang mengambil kesempatan akan dikenakan tindakan tegas.

"Pengguna boleh mengemukakan aduan kepada kami agar tindakan segera dapat diambil," katanya.

KPDNHEP Melaka selesaikan 647 aduan

Melaka: Kementerian Perdagangan Dalam Negeri dan Hal Ehwal Pengguna (KPDNHEP) pejabat Melaka berjaya menyelesaikan kesemua 647 aduan berkaitan kepenggunaan yang direkodkan di negeri ini tahun lalu.

Pengarahnya Norena Jafar berkata bagi tahun ini, KPDNHEP Melaka merekodkan 121 aduan diterima melalui pelbagai medium disediakan.

Beliau berkata, antara

aduan diterima sepanjang tahun lalu ialah masalah berkaitan pembelian dalam talian yang menyaksikan barangan diterima tidak sama dengan dibeli, barangan diterima rosak atau tidak sampai kepada pengguna.

"Ada juga aduan berkaitan masalah pengubahsuaian rumah yang tiada perjanjian bertulis, dan ia tidak siap mengikut tempoh ditetapkan walaupun bayaran dibuat sepenuhnya," katanya semalam.